

CONSILIUM AD EXSEQUENDAM CONSTITUTIONEM
DE SACRA LITURGIA

NOTITIAE

13

GIUGNO 1966

CITTA DEL VATICANO - PALAZZO SANTA MARTA

accedentes possit communicare, ut melius exprimat participatio ad idem sacrificium.

Iuxta Rituale romanum (tit. V, n. II, n. IV) sacra Communio fidelibus distribuenda est extra presbyterium.

Nec recedendum videtur a more tradito iuxta quem fideles ad cancellos presbyterii sive dona offerunt sive sacram Communionem recipiunt.

AD ORDINEM MISSAE

105. UTRUM LICEAT SACERDOTI CELEBRANTI PRECES SECRETO DICENDAS SUBMISSA VOCE RECITARE?

Resp.: Convenit, saltem in magnis ecclesiis, praesertim cum frequentissimi sunt fideles, ut qui longe ab altare sistunt, vel quacumque alia ratione, altare conspiciere non valent, per microfonium sacram Actionem audire et melius participare queant.

Ita enim fit inde ab anno 1958 in Missis radiophonice transmissis, in quibus preces secreto dicendae « voce *tantisper elevata* » dicuntur (Cf. *Instructionem de musica sacra et sacra liturgia*, diei 3 sept. 1958, n. 78). Quod, iam tunc a commentatoribus praevidebatur valere etiam pro casu supra considerato (A. BUGNINI, *Liturgia viva*, Milano, 1962, p. 301).

Petitur est utrum quaedam iudicia, ideae vel considerationes, quae passim leguntur in articulo Le renouveau liturgique (Nouvelle Revue théologique 98 [1966] 807-829), praesertim circa labores « Consilii » vel suppositas eius « tendentias » veram rerum condicionem ostendant.

Secretaria « Consilii » declarat ea, quae in supradictis paginis habentur, unice auctori articuli uti ideas personales (« vues personnelles », p. 829) adscribenda esse.

* *XI Conventus Foederationis Internationalis « Pueri Cantores »*. A die 5 ad diem 9 iulii 1967 habebitur Romae XI Conventus Foederationis Internationalis « Pueri Cantores », quem Summus Pontifex benigne approbavit per litteram Secretariae Status die 12 martii 1966.

Tribus primis diebus (5, 6, 7 iulii) singuli coetus nationales Puerorum cantorum conventus religiosos et artisticos agent in diversis ecclesiis, et ita specimina praebebunt de instauratione liturgica a Concilio Vaticano II variis in regionibus promota.

Duobus ultimis diebus, conventus generales habebuntur.

Conventus ratio est « nova et vetera » in unum conferre, traditionem musicae sacrae servare et simul eam nova vi promovere ut, ad mentem Constitutionis de sacra Liturgia, ditior fiat.

In coetibus, lingua latina variabitur interpretatione populari, musica sacra classica, moderna.

Plurimi erunt concentus vocales et instrumentales inter quos eminet « Concentus Nationum »; habebitur sollemnis Ritus pro Pace, ad quem invitati sunt etiam aliqui coetus parvulorum cantorum fratrum separatorum et hebraeorum; tandem Congressus finem habebit cum sollemni Missa Pontificali in Basilica sancti Petri.

* *Novus liber cantuum et precum* pro dioecibus linguae germanicae in Helvetia novissime prodiit. Continet partes Proprii Missarum pro omnibus diebus dominicis et festis de praecepto, et insuper complures cantus pro diversis anni liturgici temporibus et pro cantu Ordinarii Missae, etiam lingua latina, psalmos et hymnos e Novo Testamento. Habentur quoque modi musici et thesauro traditionali musicae sacrae deprompti, ita ut nova et vetera perbelle componantur et diversis condicionibus et possibilitatibus ecclesiarum opportune provideatur. Tandem 30 cantus referuntur, qui etiam a communitatibus ecclesialibus non catholicis adhibentur.

* *Incepta pro unica interpretatione textuum liturgicorum*. Mensibus septembri-octobri Romae conventus habiti sunt sive Commissionis mixtae España-Celan, ad statuta et programma definienda pro labore ad unicam interpretationem faciendam textuum liturgicorum lingua hispanica, sive Coetus pro lingua anglica, « International Committee on English in the liturgy ».